


suum aliqua ratione habent, ut est matricis suffocatio, epilepsia, vertigo, incubus melancholicus affectus omnis, quem comitantur malæ cogitationes, tristitia atque timiditas sine causa manifesta, obliuio, saltus, tremor, aut insanie quædam species, qualis in spaticis, seu iis qui demonium quasi habere videntur, aliquando obseruamus. Mirificum quoque antidotum est contra febres omnes intermittentes atque erraticas, contra neruorum tensiones, vermium luxuriam. Seminaria enim horum morborum mirifice absumit, spiritusque vitales, humidumque radicale, seu vitæ subiectum, summopere reficit atque præseruat, & propterea in præcauendis morbis summopere quoque commendatum est medicamentum. Si stomachus acerbis oppressus humoribus syncopen induxerit, unguentum pro eo fiat ex oleo rosarum, cydoniorum, myrtilorum. Si post purgatorium medicamentum, syncope irruat: R̄ theriacæ nouæ ℥ iij. aut si antiqua sit, addantur gr. ij. opij, vini generosi ℥ iij. detur unica vice. Odoramenta naribus nequaquam offerantur, si à præfocatione matricis syncope fiat: alioqui verò licebit.



### Methodus pro cognitione

## CHOLERÆ INSER- VIENS.

**C**HOLERA, est immodica ventriculi intestino-  
rumque perturbatio, in qua supra infraque mali-  
gnorum humorum fit eruptio. Usque adeò autem ve-  
hemens frequenter est hoc malum, ut vno atque altero  
die ferè sine febre, vel saltem paucis diebus hominem  
è medio tollat, per vomitum atque secessum effusa cor-  
poris substantia; tanto enim impetu deiectio hîc sæpe  
fit, ut etiam spirituum multitudo vnà cum humoribus  
expellatur, vnde sitis, cordis tremor, viriumque languor,